

蘄州志卷之十八

知蘄州事虞山錢 鑿纂輯

藝文志

詩

國朝

古今體詩二百三十一首

五言古 二十六首

詠高士吳瑛

顧景星 黃公

伯仁起齋郎簽書黃州守入為虞部員掛冠方黑首臨流
獨長嘯種竹還漉酒歡笑迎嘉賓絕口不臧否青毡就盜

蘄州志

卷之十八 詩

乞力田門生耦不顧尚書期鶚冠狎鄰叟世遠言亦湮著
述曾不有高躅留史篇芳名僅身後

詠高士林敏功敏修

顧景星

松坡節氣士少小負學術一舉偶見遺塞門即弗出經通
郭子橫名比皇甫謐隱處非盜聲率性不就辟子來實愛
弟豹席共床筆湮沒無思篇零落蒙山集立言期不朽傳
後反難必所望賢達人名山拾遺佚

酬蕭霽

顧景星

之子志我同端居媚幽獨樂從大賢遊久謝時人目微雨

山中來竹梢低入屋鳴蛩寂不聞閉向東齋讀濁酒時復
斟高筒頻拆牘一日凡幾回蛩音滿空谷

棲來店 有序

顧景星

石城徐公子星昔在山左招徠屢集漸成市塵土人德
之呼徐公店茲守楚駐蘄于四郭隙地各建舍十間名
曰棲來行旅乃得休止詩以紀之

伏莽既已平大江亦以清舊時荆棘地更有行人行山川
故覬突寇攘仍從橫落日怖商賈淒風悲遠征懸殿市門
閉城上哀笳鳴一擔立四顧但有雅鳥聲官離久不設負

蘄州志

卷之十八 詩

二

戴何惇惇一物不得所憫惻仁者情褚哀寄牛屋土龍眠
古坐安知岐路泣不有狂阮生公咎駐山左二載德教明
荒涂聚市肆廬宿無流氓楚俗最蕪陋茅竹支椽桁虎狼
一斷道伐屋登空城杜陵思廣廈虛願終何成如君事實
政永宜良牧程

答康伯問字說

顧景星

斯文義軒後微義竟誰紹智慈識其情遺象存理要說傳
有滌體臆說恣攻矧瑣碎雖百家無能救沈澳與之共
狀鼓豕亦難技沿襲誤後學徒然痛先嘗六書非細事宜

泄投道妙囊括二儀問津梁五經與我勞夫如何十載心力耗變通固無方苦辯非執拗學官會有時覆瓿君豈料庶幾樞譚知不惜劉歆笑兒童干祿樣腐塾兔園鈔規矩喪高曾苦幡轉相告老眼困昏花研精矢期耄莫怪和者稀陽春本孤調

上巳步湖村

李炳然

東臯州人

久不到南湖灣環解若此艷艷花匝樹碌碌石浮齒透迤凡幾曲屋隱茅茨裡莫是武陵人依舊桃花水石林高復下坐客箕或倚稚耄少扳援貴賤一我爾問我來何所大

蘄州志

卷之十八

詩

三

笑稱上已雞犬與爲隣邱壑趣猶美得魚卽易酒臨淵寧洗耳直待菡萏香還來劈蓮子

北園看菊

李炳然

涼風吹庭槐萬樹一凄惻園林時偃仰春豔不重飾黃華如散金紫霞儼傾國當暑勤澆灌非種鋤螟螣移爾白玉堂四座起寒色

秋日石璠生携饌邀遊如是菴

李炳然

西瀨崢嶸光今日固如是明日復何如恐虛林壑美生涯看黃葉損益隨秋水靜欵幽人扉高凭南郭几嵐氣奔不

歎湖心澹若此天聰躡殷雷蓮心散堦屺掃開苦竹影妙
發醜醜理香稻飯青菰筐蔬點蒼耳與義衍三車清詞辯
四始交臂採芙蓉何必貝多子

從家人訊知望中故居近狀

盧

紘

元度
州人

故里臨江潞人當寇殘餘休息十年來疾苦尚未舒非無
仁明長蠹痼堅莫除水則勞舟楫陸尤困輓糶奔走服徒
役終歲少安廬官錢不可問兼歛奉狼胥形枯骨僅存索
盡囊無儲欲脫此鄉去茫茫何所如呼籲不得聞蟠固難
間疎吁嗟此才遺仰首空躊躇余久宦遠方聞之生長噓

蘄州志

卷之六

詩

四

不顧所忌諱憤貽長官書幸邀聽轉環夙弊一朝祛役仍
出官僱夫額復其初從此獲寧止咸遂樂土居遠聞忽興
躍願頌循良譽敎瑟寧盡張改絃姑與徐屈指二三年生
聚盈郊瀦余亦當倦游欣然返昔廬

其二

盧

紘

憶昔喪亂後余宗歎伶仃筑筑婦與子藐爾弟與兄遠來
隨宦遊薄畝誰與耕去年從弟死斬焉無餘丁骨已歸荒
邱我子代爲營有弟入緇流浩然學無生志堅不可奪微
祚亦已傾一弟支爲近有家尚難成子穉方在抱內顧憂

未寧自伴我東來伏臘三度更祖祀莫爲享衰尸無與撐
租田有微獲不足供官征內耗鼠穴叢外闕鷹眼瞪痛聞
先墓傍疎孽竄其城自非久宦遊仍以家難并胡致此艱
虞種種切膚櫻中夜戚然思一官忽已輕願歸先人廬歲
時篤宗盟他慮誠未遑先祧能無情

蘄州盧氏殉難始末

周茂源

雲間

伊昔蘄黃間寇禍最慘烈官兵爲先驅貪冒同饕餮賊從
上游來萬竈化魚鱉盧公偉丈夫嬰城誓死節賊衆如蟻
附交衢徧流血骨肉相因依一朝半屠滅公當瀕死餘拒

蘄州志

卷之十八

詩

五

賊氣勇決登陴最健兒瞋目背爲裂巖關倏焉摧鏃矢亦
告竭逢掖長賤貧與城共存沒長公間道歸遺骸裊裊經
負土瘞舊阡殉難敘始末或死或竄亡歷數多嗚咽烈婦
楊與袁大義明霜雪楊爲紱也妻紱去成永別自投燎火
中珠胎並燔蕪袁也歸震初堅貞儼積鐵從容拜姑嫜溺
井求蠲潔漆簡與丹旌采風宜首列夫何金鏡淪幽光殊
未徹純孝揚令名孤忠欽曩哲况乃黃鵠操挺然不可折
庶幾楚倚相紀美無遺缺援筆愧如椽奚庸表碑碣

頌楊袁兩孺人節烈

張錫懌

雲間

蹈火既不易赴井良獨難先後何從容雙烈稱二難至今
趙州側火燼血猶丹化爲祝融峯攜母俯千盤貞魂干氣
象白虹貫并幹化爲三峽水抱子激危湍慘死未及旌慨
焉推心肝國史幸有紀能令白日寒

山中風雨憶猶仲熊學師

張士淑 耳聖

空山久風雨重陰壓天暮落葉依重屨屐齒迷來去鴈影
沒秋旻千山寒未度遙遙一水思遠浦隔江樹

策山行

張士淑

危巒矗空起壁古長箐篠里中數土姓相依共昏曉家舍

蕪州志

卷之十八

詩

六

平林西雲樹可數眺豈不懷田廬四野飛旌旆隣伴約夜
歸路黑山月小谷靜發空響膽怯驚鳴鷺到家夜過半月
落荒村宵生業各蕩廢頽垣翳蘿蔦破屋疎星入照我天
漢表時聞虎豹嗥更見蛛蝸繞雖是舊所居不敢久停遶
嘆息出門去覓徑登林杪安得天下盜賊盡歸農令我笑
數青峯卧亭沼

雨中訪顧赤方 二首選一

張仁熙 長人
梅川

日夕大江流江聲莽回互蕪陽萬古心旅客愁無數高士
亦城居茆屋幽難遇著書二十年草長門前路相見亦何

深抵掌生烟霧論詩數百篇一一兼秋雨豈惜酒杯長展
轉彌清素

過靳春懷顧黃公

陳大章

徵君瀟洒姿搖筆富文藻弱冠充王賓時論推國寶激昂
世務書匍匐兩京道志大徒次且行端久枯槁高揖辭風
塵閉戶狎魚鳥經傳毛鄭宗學比崔蔡老一尺白茅堂樸
質謝雕巧晚就蒲輪徵束縛難爲好王式本不來臺佟節
彌皎依然奪牛翁歸作采芝皓六書大義微研精肆幽討
上窮皇韻初下逮篆隸稟箴縷辨形聲錯綜出要眇善誘
靳州志

卷之六

詩

七

物之師博洽時所少伊昔奉微言今來悲宿草歲月忽已
遐風流竟誰紹投淚下寒江白雲空浩浩

寄欽人田

萬燦

冽彼清谿水素鱗托蘋藻風日豈不殊縈情惟夙好河鼓
已宵移織機傷顏老天漢望容舸所恨秋霜早携手上河
梁金玉傾懷抱兩翼忽驚飛抗志凌雲表興酣搖五岳榮
名以爲寶隻影誰與同止水空潦倒落葉滿階庭寒蟬泣
秋昊新芳及殘芷臭味分苑槁楚山接燕雲行行寄長道
衣帶日以遠珍重思持縞

嘯月軒

陳鼎元

涇溪州人

昏鴉棲已定幽人忘夜永仰見千尋竹搖動疎星影少焉
東山上金盤光如炯頓令塵土中燦若玻璃境徧懷步兵
狂思與蘓門等雖非鸞鳳音或不類蛙黽劃然草木震直
上此君頂空翠藹林間悠然快獨領

半畝園卽景

陳鼎元

四時各有序草木測其端季秋與冬孟辨在微芒間赤日
照高樹霜風薄朱顏昏且變節候凄然難久安坐我草堂
中綠橘已可攀雙柑下斗酒耳熱有餘歡裊裊芙蓉露秀

蘄州志

卷之十八

詩

八

色真可餐採菊籬邊去悠然亦見山蒹葭正蒼蒼伊人良
獨難

曹荔軒梓白茅堂集將竟感賦

顧昌

培山州人

和璧不世出剗璞須其人珊瑚結海底網取非柔紉力大
用必壯鑒別識乃真明公賦至性挺特空羣倫束髮事高
步老大能親仁生鍾燕吳子氣壓京華春時維先君子旅
卧越烏呻公也獨愜慕意洽如飲醇走馬出 殿直攬轡
來城闈晏語或達暮夜懷難及晨豈惟骨肉愛竟以膠漆
論身今致通顯揚挖據要津金闈總羣彥雅志獲見申古

人不可沒後哲寧隱淪庀工市梨棗銀鏤崑頴新驅珠燦
煤墨玉版開瑞璘陳思慟敬禮護惜猶苦辛矧同珙璧視

忍終榛莽湮

中丞宋公許刻不果

宮井

荆府雅詠之一

張

畸

另齋川人

禾黍悲故宮荆棘生宮井不照綺羅人空拽寒泉縷秋來
梧已落冬至桃還冷過此獨潸然興亡良可省

夜雨懷山館詩友

張畸

入夜雨聲悠素心人自若寫懷見古意得酒破離索今夕
有幽夢夢遶空山閣相思風雨中處處催花落

蕪州志

卷之十八

詩

九

喜麥莊至

李生槃

兩峯州人

春風倚竹窓脫帽就暄暖徘徊念故人狂喜臨清館君言
別日多我問來何緩與君向階前花看梅梢滿

過蓮花池弔張氏二烈女

李生槃

防賊夫如何誓心同一死况乃宦家兒忍辱尤可恥所以
就義人從容赴池水父老為余言墳指荷香裏

自渴口歸陳芳齋伯仲送別舟中

張溥源

梅川

天水共淒清積雪覆洲渚溯游雙溪曲遙向大江滸做廬
待我歸安能長羈旅野濶雁聲疎別離良太苦長揖謝故

人脉脉兩無語

別同學諸友

熊洪

高崗有茂林暮鳥簇其枝羽采相輝映鳴聲若頃篋聚會
盡今夕來朝南北岐去去日以遠夜月長相思

七言古十二首

沈生行

士望蘄州諸生崇禎末上書名見授
兵部叅謀輔臣移送江督袁繼成幕

顧景星

先皇避殿居齋宮晏食不聞司樂鍾黃門晨放罪已詔阜
曩夜啓登聞封是時韋布紛然至沈生棄家走燕市上書

蘄州志

卷之十八

詩

十

直動萬乘尊宋代陳東母乃是韎衣給諫名最高

陳啓呼

吸帝座無汝曹沈生上殿一指顧徃徃廷論歸儒髦潼關

東西薊門北沙蟲攤道邊塵塞皇心但警紫荆圍司馬誰

防白波賊銳頭參軍最後來相隨幕府臨江開短衣出入

通侯第岸幘還登歇馬臺倉皇叩首驚傾覆烏號無弓小

臣哭義旗壯士且鷹揚涸跡王孫盡魚腹渡江忽報安東

軍生也收涕趨轅門化龍有讖雖會應餓馬騰謠忍遽聞

凶奸構禍何倉卒誰夢湖城遠營日漢安爵命豈非恩廷

尉山頭况難必丈夫死即鴻毛輕石頭取節非純臣帳中

灑血黃將軍頭下奏事有沈生將軍敗後無堅壘凝笳疊
鼓軍容改潛身幸託江海翁青衫已卸麻鞋在瓦盆半菽
妻兒嗔憔悴尋常行路人誰知乞食陶彭澤莫辨埋名梅
子真春風貫酒茅欄下念是當時請纓者卻憶先皇御極
初執手相看淚盈把

王居士歌 有序

顧景星

居士四十不娶若狂易鄉人共笑罵靳脂自危堞踊身
下無所損結茅廬山清涼臺巖巖縣空下臨百仞常月
餘不食客至戰慄不敢上居士遙望大笑而已無名字
自曰我仲尼之徒因號尼徒居士僕慕其人爲之歌

尼徒居士本無家戴髮已自披筆筆鄉人共笑死邱壑獨

新州志

卷之六

詩

七

脫禍亂栖煙霞清涼臺上人蹤少隨意晨昏坐來好經時
石罅生白雲盡日林間絕飛鳥

東湖 名金沙亦名赤沙

李炳然

蕲陽城缺東南隅金沙赤沙闖東湖勾漏丹丸光的皜或
云其下饒藏珠春水方生百川漲潯崖錯認牛馬驅鼠師
榔族頻撥掉鷓鴣雜音呼晏安憶昔全盛日月夜梁
槩雙飛鳧好奇常奪漢陂席江妃來徃羣龍趨水月白露
天無壁直汰塵斛于冰壺奈此狂瀾江海覆斜風細雨誰
盧胡長鯨貪餌屢作腊龜口不見血淋顛南望洞庭是青

草西眺匡阜之香爐今年山墜十八丈共頭塌破古鶉觚
最愛湖平流淡淡小舸勝杖短筇扶青女霜繁水潦降怕
河沙聚一邱區忽慕沔湖汎舟夜郎官新題千祀俱

甲子冬杪與諸公同涉雨湖會祭嵩岑李中丞作

李炳然

雨湖冬涸潦水平北風橫厲多哭聲頽蓼泥汨岸角出禿
樹杈枒葉戰鳴一碧泓深清見底鴨頭衣綠菜綸紫條魚
羣戲乘空遊素心元淡乃如是兩三人航渡口開葦間延
緣魚鳥來老僧可憐餉茶茗野客驚寒就烹更有王孫

蘄州志

卷之六

詩

三

游行處落日古瓦竄蒼鼠版橋倒臥踏冰霜牛羊下壠傷
禾黍請君回船夜水渾聚少離多看浪痕今日羊曇猿墮
淚樣船慎勿到西門

奉和汪仇懷正月十三大雪偕同社諸公赴石璠生

招飲卽席賦七言古風一首

李炳然

雪滿五枝水倒舉蝟毛感縮傷馬圍豪士飲酒競華筵日
中酒掃還未許醪過牆頭在存雪裏欵扉春雲温折簡
招我走稚子榭葉燒爐熏芳蓀鵲巢歲據雙槐上井口籬
邊舊竈場石氏堂列二槐樹上可憐七菜落莘盤笑指銀

石氏堂列二槐樹上有鵲巢下有甃井

瓶罄家釀殘杯冷炙莫驚猜槐堂豈爲老春開觴詠不貴
大官讌四座風生兒辯才汪子承衰文崛起廊清蕪穢詮
奇理蔚豹侗儻概凌雲唾壺擊缺不吾以石子朗朗玉山
行照等清襟雪月明芝英筆底書無算武庫縱橫入莫名
八十老翁久疲瘵谷汲山樵息心競土膏冒櫛省三農梅
隴衝寒識七政索居遑遑惜離羣衰顏醜會倚觴醺况值
金吾弛夜禁灞陵可識故將軍門外鼓闐燈火節士女塲
臂誇白雪宮月簑衣鋤帶寒春水方生罇酒別

蕪城弔昔 癸未

盧 絃

蕪州志

卷之十八 詩

三

江城怪石環蛟宮鬱覘佳氣凌菁葱朱邸畫開傳鼎食樓
船夜汎喧絲桐飛馳上下帆檣會翹首流連大國風南山
周廻森列幃沙渚綿亘曲遶弓地居雄服當荆末萬里奔
濤難控遏出峽曾聞一線天朝宗滙此偏驚關東來美聚
勢疑蟠突起人文多秀達虎變龍驤命世奇登壇赤幟紛
能奪運適終乘百六年焦毛薄肉殞多賢修蛇噴毒螫其
後狂鯨鼓翅噬其前炎烽四起百堞墮廬舍成墟灰蕩然
荒原處處飛燐火木叫寒鴟草宿烟俗承醇厚猶稱淑天
櫻羅慘戮我歸骨肉並傷殘衰經碁功一時服萬口

千門僅有存眼中那見英耆夙獨立江頭憶舊遊淒風漫助離人哭

評鷓原子詩兼贈

汪

蘅

仇懷州人

里中佳士鷓原子冰雪為懷絕織滓幽居築向鳳城偏花竹蕭疎映圖史身豐暇豫抒深情成詩雅得風人旨几篋殷殷金石聲不屑示人長自喜偶然小策披汝逕緒論微言洞名理緘將新製我持歸剪燈吟繹香生齒建安端合肖長篇近體還應天寶擬時人此道競輕為苦心何處存詩壘願言大雅共扶輪風格堅凝砥波詭當前好景足唱

蕪州志

卷之十八 詩

古

酬麟鳳之山雨湖水

乾明書院

汪

蘅

六菴張公牧蕪十有八載士民既建書院于城南鳳山坊矣茲復建書院于大士閣之左亦曰張公書院予因其地題曰乾明所以別鳳山云爾

乾明磯右靈芝石乾明磯左羅仙跡大江東下抱磯流昔時磯趾今沙壅磯上平原接鳳城古廟參差臨絕壁南山排翠自年年州岸蘆花秋吐白菱唱漁歌落照時風帆沙鳥煙雲夕依稀髣髴畫圖中王維欲寫千難百由來牧伯幾登臨那許蝸櫺容片席只今杜父得張公才出緒餘蒞

煩劇初登化理鬱多難
隨遘方城剽夏逆征師奕奕困壺
漿况復督郵腰頻厄田園典盡勵官箴飲馬錢空空自惜
桂苒心勞十八秋鳳山之原歛開關經營不日煥宮墻肖
像情過惓赤寫滇州外史筆如椽因檄詩歌光史冊芳煙
擗管散鶴原野老迂疎近笨伯雕龍麓藁付英才兀把班
枝聊疏覈新詩裁罷睽江濱無盡恩被磯前渚

新陽行

奚祿詒

春前我寄君山迹犀甲鱗鱗寒大澤暮帆今日過新陽江
花如練鳥頭白荆國春殘樸檄官方勝花蛇走阡陌羈旅

新州志

卷之六

詩

五

形容二十年驛路秋風動蕭瑟如此空城莫住船吳瑛已
死誰留客

寄懷顧黃公江居

金德嘉

公

掃地北風搖馬尾送我春明酒半醺我馬且行爲君立城
頭殘月照離羣是時巷南歌偏側君苦欲歸歸不得五月
逢人北寄書潭州博士報雙魚舒郎伏劍客秦隴君亦掉
頭還舊廬斯春草樹佳可賞草屨紅藤况蕭爽江水盈盈
浮玉磯西塞山下鱖魚肥人生安能牛馬走細手雞口與
牛後元瑜記室事徒然鄭虔官令更誰憐何如爛熳花前

名芋醉醉眼看雲雨湖邊

虎入城

康熙辛丑十月十四日

郭

從

去山人

虎入城城民驚有衆逐虎虎負鳳麓之嶠莫敢撓專城都
護州牧神明以正止邪虎無生吁嗟乎勢大者小不能與
之敵力強者弱不能與之爭青天白日公然橫行虎乎虎
乎今入城城民驚以正止邪虎無生

題郭蒼屏畫

李生槃

蕭魚老後王宰死千年突出蒼屏子一邱一壑清且奇萬
里遠勢藏尺紙霜林闇淡秋氣深遙天暮靄羣雁起中多

蕪州志

卷之十八

詩

末

村落佳幽人三三五五自行止舉網者誰釣者誰結伴更
在烟波裏板橋扁舟自相通山水蒼潏青濛濛牧童牛背
何處去令我想見羲皇之高風吁嗟郭君把筆凝神久沉
雄寫付後生須珍重而今米顛風流空遺踪

五言律

八十七首

山居

顧咸泰

思菴州人

柴門眺野湖石醉路爲迂岸峭泉飛嶺林深月隱隔澤蘭
侵酒筇遠砌夾蔓于寒翠盈溪結裁詩好截蒲

其二

別自爲清晝晝閒意轉
清香烟縈古篆竹韻走溪聲村斷
烟光接湖遙雲氣生農歌隨岸曲雅俗各怡情

答王純伯次來韻

顧江防副使

顧景星

白日空環堵窮愁未著書
野田看射雁春岸指叉魚萍跡
還爲客荷衣亦號儒雖歸故鄉陌終與俗情疎

鉛鋤潭

新治東八十里源出太湖縣司空山今名洗馬潭

顧景星

連雲趨萬壑起伏更嶙峋
百里檀梨水千山巖壑春林陰
著翹兩潭定落星辰濕漲循河下蛟龍亦有神

豁口

顧景星

新州志

卷之六

詩

七

野岸泥難杙江船纜繫斜
迥風放桃葉宜雨是梨花流水
東西堰新村八九家兵餘得淳樸漸欲見桑麻

王子雲隱居廬山忽過訪

顧景星

只愁歸不易歸後轉饑寒
知已十年別貧家一飯難白頭
仍避地遠寄肯投竿孰是邵文子能令王憲寬

秋日登拱奎樓

道憲徐公建

李炳然

東臯

鴻文懸石闌白露滿城隅
直爲藏書計非關寓目須
寒藤纏古木亂葦擁澄湖
卓立羣峰外疎林半欲無

蕲陽營兵丁元通遭受僞札其妻某氏預知泣諫不

聽乃絞殺其二女尋自經而死夫丁元事洩被執

乃拊膺大哭云悔不從妻氏之言 李炳然

不謂丹青烈芳徽出婦人嫁從厮養卒愁見陌頭春薄命

緣蜚構三生義滅親早知嬰母廢那到藁街陳

萬壽寺訪天山老人不遇 天山老人夏 玆伯別號 李炳然

詞場久寥廓大雅得狂生鵬鶚凌風急驛驢暮滴橫巾車

憑逸軌釣艇或知名不見黃公叟松風滿院聲

重過水月山寺 李炳然

十月林葉赤晴空憶舊遊山川天氣好橘柚露珠留野火

斯州志 卷之六 六

連斜郭裏溪懸去舟幽人不我棄落日過橋愁

其二 李炳然

解組曾投此誰憐迨歲除鶯花愉老眼霜葉踏新盧楮袖

籠團火孤蒲竈減糈早知清淨理卜築意何如

粵歸展墓 盧紘

六載兒歸日悽然拜母墳青非初植樹白是舊瞻雲支撼

吾宗弱哀祈地下聞將辭東郡去心與楮俱焚

將適東郡值雨過株樹林望外坐不得上

盧紘

每憶烟荒地時從夢裡遊到家旬日雨偏隔一山邱北道
催行急長空併涕流愴魂從此去夜夜遶松楸

楚蘄首山盧公一門節孝詩 四首

楊枝起 雲間

癸未寇薄蘄州首山盧公率眾登陴誓以死守城陷不屈死前後從公死者次子諸生綬綬子晨初從子紳從孫震初綬妻楊氏震初妻袁氏

其一

楊枝起

昔賢盧子幹身隱道彌尊抗節伸炎漢流徽到遠孫譚經
時握塵殉敵不呼智異代縹緗素應憐風義存

其二

楊枝起

蘄州志

卷之十八

詩

九

早播黃香譽終成王蠋忠時危貧賤奮義重死生同碧血
流霜草鴻聲感玉穹元成方繼起人憶范陽風

其三

楊枝起

嗟爾四君子翩然華國才不期霜鏑染能使陣雲開忠孝
傳家業精靈越夜臺當時仗節者騰告忍徘徊

其四

楊枝起

聶家軹井里趙氏磨笄山感慨徒為爾從容未盡閑玉笋
清粉黛火雀照金環若遣鸞書問應從姑射還

殉難詩

張一鵠

又齋

楚國先賢傳千秋事可師家留子幹學人畏彥方知槃澗
鴻飛日孤城鳳鍛時年年江漢水常與薦芳籬

其二

張一鶴

大將居全地諸生在戰場乘埋無上策榮帶豈周防華髮
歌虞殞丹雘弔國殤九原留勁草雲霧暮蒼蒼

其三

張一鶴

彤管垂遺詠芝蘭此共傾無心猶恤緯有淚已崩城朱火
芳仍烈寒泉骨愈清自緣誠感切執義及衿纓

其四

張一鶴

蕪州志

卷之十八

詩

三

褒典虛前代推恩自

聖朝天書暉草木泉戶仰雲霄華表遲歸語青春托大招尚
餘榮養恨灑淚滿征袍

初夏山中送李嵩岑赴粵西僉憲兼憶盧澹岩先生

陳之京 觀伯

西湖老病休出處各為謀遠宦蒼梧去幽栖藁桂留楚山
紛漠漠湘水淡悠悠佳句頻酬和人逢柳柳州

七葉寮

談允謙 長益

朝氣尚未散鬚眉都已侵若雲流水上非雨瀝松陰客漸

移鳩杖僧猶阻鳳岑城中有空翠何必萬峰深

汎雨湖

談允謙

汎入雲深處驚鳧出水漚引人湖最曲豈我與偏賒客靜
親鷗鳥舟行讓藕花幾時兵火靖遂志得移家

蘄州官署書壁

呂 暘 全五防書

梧桐纔葉下絺綌已驚涼健翮霄承露紛英晚帶香魚目
菰子白鶯喚柳條黃虹見愁無雨花陰聽早蟄

蘄州三角山寺

王 顯 純伯防憲

三峯稱勝地登眺有餘情鳥語堪畱偈花香可作盟俗緣

蘄州志

卷之六

詩

三

閑裏斷禪法靜中明林密山藏寺鐘聲禱雨聲

三角山龍門寺

僧天章 徽州人

塔焉虛隱几窺月恰投牕喝石山羊醒揮塵野馬降巖空
天借半橋卧影如雙此意憑誰指遙峯插翠幢

其二

僧天章

臨榻不能寐山空月一樓草蟲虛涕夜梧雨壯迎秋却坐
涼如瀉相看意自酬寂寥生曠眼扶策好復游

送黃公還

施閏章 愚山

故人看又去騎客坐含愁把酒不成醉何年同復遊才偏

史名已徧皇州舊國烽烟裏休登黃鶴樓

其二

施閨章

強起非君志京華且復春嬾充虎觀客閒許鹿門身寇蓋
看今日湖山讓此人狂歌自通隱未老豈長貧

悼袁先生公寥

張仁熙 藕灣

頗識東阿又還疑李賀同幽思華屋裏鬼語玉樓中地志
文偏古浮亭賦獨工孤墳不得意搖落耐秋風

其二

張仁熙

風俗爾先憐繁華亦自牽真才人欲殺駿骨恨難捐老眼

蕪州志

卷之十八 詩

三

荒天地雄文半鬼仙廣陵無限調淒斷付哀弦

喜盧參政自姑蘓歸里

張仁熙

憶昔繁華地春風玳瑁觴錦帆畱極浦花信到橫塘對月
聞歌倦看雲笑吏忙歸來無一事重上讀書堂

蕪州蓮花菴道上

舒峻極

青草畱行路黃花徧野田數家成市井疎樹黯炊煙估客
遠來糴溪橋春集船同遊歸興動未到已淒然

同集生公卜過柳塘故居

張士淑

昔時遊冶處池館遍荆榛白髮悲前事青山憶故人鳥呼

如識面樹老不知春爲問荒堤柳長條幾暮晨

宿福勝庵

龔栢百

穿林入古徑息倦慰繩床燈老連霄碧茶烟靜夜香細聽
松露落近對紙窻涼賓主雨無念悄然星漢光

其二

龔栢

不待安身久虛空靜裡生各言心所受共識理無爭一榻
禪初定千秋月正明鐘音隨谷起桐葉落三更

雨宿王郃石山房

欽士佻人田

信宿十年地重來路不迷山川高士傳風雨故人詩酒熟

蘄州志

卷之六

詩

三

秋前林交盟鬢上絲蕭蕭窗外竹况味此君知

舟泊蘄州追懷顧黃公

張瓊基梅川

問孰張吾楚伊人絕可嘆龍旂刑白馬牛耳誓朱槃聲勁
松風蕭韻流竹露寒白茅猶似昔寂歷夢魂殘

烈士廟

黃天福錫五州人

江水朝昏逝丹心日月懸兩朝悲合璧一死感重淵凜烈
龍磯石蒼涼鳳麓煙偷生苟富貴到此覺徒然

烈女墩

在州泊北蓮花池內元
總管之二女死難處

黃天福

雙娥凜大義一奮葬澄淵死骨清如水貞心苦在蓮衆中

誰勁節波底感遙天
隱向塵埃外池墩護月圓

山居秋懷

駱思白

東臯涼葉下遠岫亂雲生
嫋嫋秋風夜淒淒楚客情空處
流月色虛壁響蟲聲展轉難為寐
晨鐘不肯鳴

其二

駱思白

景氣益明媚尋雲且獨行
病懷松際釋高意石邊生
山遠樵歸早風微葉下輕
徑迷幽絕處獨坐聽溪聲

次答晏東白

陳其勅 五情州人

如我如君者棲遲又一年
悲歌憐夙志風雨伴初禪
廣武

蕲州志

卷之十八

詩

五

狂非酒豐城氣豈鉛
流光同馬腹且莫問長鞭

小江即景

陳鼎元 環溪州人

籬落人家少高低幾處村
插楊成古道編竹當柴門
飯罷雞鳴午杯長犬吠昏
興餘還向火坐對老翁論

其二

陳鼎元

出水魚兒好携來酒下之
夕陽殘遠岫夜氣鎖寒枝
比戶皆雞黍圍爐盡豆箕
田家風味好我已賦棲遲

贈同社吳子天煮入山講學

石為璘 璠生州人

吳子傳經處飄然有遠心
總因逢世懶遂爾入山深
嶺上

猿啼月沙頭鶴唳陰忘機皆好友放浪任披襟

和方伯徐公雨湖秋月原韻

僧普紹

雪嵩

不知秋樹裡住有幾人家吹笛响山翠敲砧弄月華閒情
歸野趣清賞在烟霞行到水窮際芙蓉處處花

酒輝閣舊址

鄭裔周

邵忠州人

霜白蘄州路凌虛見女墻夕陽曾水郭高閣自江鄉處處
芙蓉岸山山薜荔房一隅一回首極浦是瀟湘

聞友人讀書大泉寺却寄

鄭裔周

擔簦尋故事此會見淵泉老愛佛燈冷閒隨僧飯便幼安

蘄州志

卷之六

詩

三

忘皂蓋子敬戀青氍一偈投機後從前事猛然

其二

鄭裔周

北郭蕭蕭晏湖南梵宇清菱荷千頃處風雨廿年情殘日

升鷄犬枯槎達海瀛徘徊清磬寂念此意怍怍

避亂鄉居過孟楠二兄山齋

張

樞

矩軒州人

當暑道愁客避煩過澗西坐君北牖下風滿藕花溪畦圃
啼黃鳥山村走白鷄親朋不可見萬馬苦長嘶

太平山

寺鐘銘古名靖明蘄志失考

顧昌

拔地起崔嵬崇巒萬仞開障寨青靄合崖護紫峯回草色

常烟雨山光到醅醅須知曼絕處步履接三台

題張巾祖師洞門

顧昌

一片寒山石中藏不壞身放光頭上髻說法手中巾

溪中有石

巾紋宛然傳是祖師遺跡

定自六朝入慈堪浩劫親至今施惠雨枯旱

及黎民

禱雨奇應

送別吳寅公

李永昇

歸路匡廬近經過好繫舟虎溪晴欲雨鹿洞夏如秋每聽

山人說常從夢裏遊何時同結伴長嘯五峰頭

夏夜渡金沙湖

郭從去山

新州志

卷之十八

詩

三

一葉東湖往夕陽光有餘烏飛昏擇木鷺宿晚窺魚明月投雲暗殘星映水疎遙看燈火亂相信是村居

拜康國公祠

秦京永畿州人

下馬入祠內英雄足敬恭驅元獲八刺敵漢走羣兇采石磯頭虎鐵橋水下龍明廷推武義嘉謚久銘鐘

七懷詩

有序

張畸另齋

郡中師友一時名宿日月如流零落殆盡撰詩懷

人感往贈愴云爾

東臯李夫子

炳然字人虎順治辛丑會試副車官吏部司務出宰江西萬安蚤賦歸來杜門

著書文宗選體詩學少
陵有江麓堂集傳世

大雅存吾道高懷詣古期宿精文選理老敵杜陵詩五柳
歸來日千秋著述時暮年陶後進不倦講帷披

盧公澹崖

張畸

絃字元度順治己丑科進士歷官蘓松糧儲叅議罷居
虎邱講學海內知名士無不景從四照堂文集盛行歸
蘄宦橐蕭然古書玩器俱散佚四方惟結容
膝軒于鳳山之麓年八十餘猶手不釋卷

風波辭宦海著作老山阿文體分西漢詩情帶永和虎邱
曾講學鳳麓久安窩獨掩柴扉靜藏書付薜蘿

汪公仇懷

張畸

蘄州志

卷之十八

詩

七

蘄字蘭友順治己丑科進士知福建南平縣以守正不
阿還歸詩酒自豪與東臯澹崖諸先生各建旗鼓一時
場壇

高捷南宮日風流雅絕倫才餘隨酒展興溢惹花賔秀句
浸寒月駢詞麗曉春囊空免羨澁瀟洒露天真

王約庵先生

張畸

協字恭南雋才博學由明經出宰華亭疎狂自放不能
為五斗折腰遂拂衣歸蘄居城之南山以詩文自娛
鶴唳華亭後南山種豆翁揮鋤輕皂蓋迴首嘆飛鴻書卷
消閒日行藏類轉蓬西湖曾有約花柳六橋中

李千英先生

張畸

士俊字蘊文少博青衿卽精古學從遊于澹崖舅氏東
臯伯兄時加磨礪駸駸有得扁其居曰鶴原石室茂林
修竹客至剪韭烹
葵雅有幽人之致

巾衫端素履石室老鶴原酒結同心侶詩追嘔血魂呼兒

春剪韭問字曉開門世態浮雲外先生古道存

鄭邵曾裔周

張崎

一字闕吾州名諸生屢躋塲屋遂放懷詩酒于吾輩中
稱豪士焉後余結雨湖陰社而闕吾先赴玉樓十餘年
悲夫

昔年詩酒社我愛鄭當時擬古霞成綺飛觴月醉卮不嫌
羨是菜更喜墨臨池制舉科名事流傳豈在斯

蘄州志

卷之十八 詩

天

郭層崖從

張崎

一字去山州諸生負性倜儻慷慨有大志喜讀秦漢書
書畫獨出匠心更精古篆中鋒運腕今流在人間私諱
小印如韓山片石不可多得其生平所歷人情物態悲
歌感慨無一不發于詩付梓時去山病篤夜三鼓招余
永訣執手泣下以不
獲目見刻成爲恨云

磊落襟期遠居然八尺身文章高格調器度起嶙峋感遇

禽言盡

從有禽言
十首最工

摩鐫古篆神煙雲爭繞帚一嘯出風塵

哭田生縉

昔東臯先生所稱
田長者之子也

張崎

昔稱田長者今日竟無兒天道何由問人情至此悲撫棺
腸已結聞哭淚先垂自古滄桑變浮生漫有期

龍磯石

李生槃

怪石橫江鎖長流勢欲窮瀾迴疑噴雪舟疾似乘風日月
翻無極蛟龍戰未終谷陵幾變易長此識鴻濛

歲丁未大水偕丹九往泛

李生槃

薄暮來湖上飄搖坐小船岸隨千頃沒波逞一帆懸望遠
低晴嶂光寒倒碧天扣舷歌未穩四顧已茫然

陳溪先生二水亭題柱

李生槃

春入尋芳好名園數太邱水知隨岸轉亭不讓河流遙憶
青蓮句如臨白鷺洲從容還一坐消息到源頭

蕪州志

卷之十八

詩

五

東山寺

黃載華

鹿亭州人

蕭然東郭外寂歷古禪關綠隱一湖水青園四面山鐘聲
空際出客氣靜中刪消受蓮花淨方知身世關

雲廡菴

在安陽山

黃載華

淨土藏雲窟雲深山與深朝宗門外水掃漢檻前岑松竹

清遊興烟雲澹衲心我來思祖澤一笠蓋雙林

雲裏雲廡菴菴先祠

避兵處

昭化寺

前荆藩建棟佛皆石

黃載華

晉州人

野殿寒光動蒼涼一徑通石闌兵燹後盤路夕陽中江水

荒荒白山花故故紅誰將當日事回首問春風

烈女墩

黃載嶧

元時張總管兩女在閨門盜寇頻衝天裙釵驚竄奔蓮池
同就死玉骨不單存春水高三丈依然見古墩

宿古泉菴夜雨

熊楚荆

玉山州人

深澗飛流疾荒菴夜雨長鼓聲寒帶濕燈焰冷無光咄咄
頻書暗飲飲強作狂欲眠仍不寐夢亦怯淒涼

秋日鉢蓮菴卽事

涂萬綬

州人

一徑空林古迷天薜荔盤寒山森露骨落葉響彈冠碧鑑

蕪州志

卷之十八

詩

三

清湖水秋風冷釣竿蕭疎無限意應不數巖灘

過永興寺

熊楚淳

師道州人

一徑通山寺泉聲到處聞蒼松能引客老衲喜論文洞僻

畱殘雪巖高落片雲尋幽方未已啼鳥莫紛紛

莖草亭分賦

釋重珂

鳴菴

詩人能味道作意窮清幽日月棲莖草乾坤到兩眸平簷
湖水淨接岸嶺雲流對此塵氛息相將物外遊

過修靜菴

熊淇

竹園州人

密竹編幽刹深松鎖梵宮纖塵收拾盡一逕曲迂通茶熟

香外經談鳥語中草亭人坐久紅雨落濛濛

留別天隱禪師

范正

佛儒州人

路險穿雲上徐行挽薜蘿層巒烟景出飛閣翠霞多有意
歸蓮社無緣斷酒魔何時清磬裏相對發高歌

江景

張作楫

孤舟憑斷岸落日抱迴流遠樹連山郭遙嵐擁驛樓氣蒸
天雨白浪激水風颺今古傷心事烟波天際浮

過白茅堂顧漁溪出黃公先生遺像展視之餘感賦

四律

張禮源 梅川

蘄州志

卷之十八

詩

三

大雅彫零後園留仲蔚蒿百城書擁榻三峽水迎毫海宇
驚詩伯蓬門哭楚騷榛苓思彼美憑弔氣猶豪

白茅堂自古三字類猶鮮畫筆巖眉見鴻文日月懸未登
床下拜安得枕中傳末學聒山斗空懷願執鞭

安車徵北關策蹇已南征道在義阜上名看芥屣輕幅巾
方袖日栖谷枕山清江水東流去遺音空自清

所契知名士郭巷真蕪灣墩盤龍主席蜀道獨開山

先生與吾

邑劉廓巷家蕪灣為詩文友而先生為主盟

方幅盈珠玉風流絕世琴後人留

于澤猶見虎賁顏

七言律 五十首

赤東湖夜漁

顧景星 赤方州人

子規亂啼山木疎西嶂已沒殘詹諸衺聲暗問識同伴星影不知誰得魚全生肯狎蛟鼉窟遠害且非豺虎居自笑為農閒袖手漁租歲歲當苗裔

尋飛昇石

顧景星

乾明磯上飛仙石苔蘚蒼黃棘刺中華表幾時堪下鶴荒洲依舊只鳴鴻憑高晴見遠山雨得路香閣幽谷風雲窟江聲重載酒念年回首欲成翁

蘄州志

卷之十八

詩

十一

旌表劉貞節先妣

顧景星

名香綉佛日周旋膝下承歡二十年常母眉官曾立詔班姑漢志亦成編誰家匹婦蒙天語我祖流傳有地仙鶴駕瑤池歸去否孤墳四載痛荒阡

寄答高台州培

顧景星

君侯昔自臨江至曾代愚山寄俸錢酒徒鑿滿竟累月窮宦囊空幾半年祇愁海縣無供憶偏念山居關豆籩晚節漸於詩律放開緘應笑落梅邊

秋獨步水月山寺喜友郭素如適至郭近遁跡沙門

李炳然

樹聲滿壑影蕭蕭一院涼陰閉寂
繁藉草坐深塵事少結
跣話舊客情饒白雲舒卷藏烟岫
黃葉飛沉散海潮何允
茹董猿鶴怨南華悔讀問逍遙

憶被難亡弟茂才樸侯

李炳然

西堂夢助句須成有賦窮愁獨慰兄
興到苦吟驚漏徹家
逢絕粒折葵烹沙原浴白同飛咏
鋒刃憐青別死生羣從
子遺今長立玉樓梁上可鐫名

過湧蓮庵有傷亡友陳仲啓

李炳然

蕪州志

卷之十八

詩

三

東林約誓揭朝曦夜雨連床經對翻
陶謝詞場今頓盡鐘
王妙蹟與誰論山陽舊館惟殘草
天上新文早及門泉壤
不聞滄海事車過腹痛已聲吞

蕪陽十景

并序

盧紘

蕪陽八景今有不可考如太清夜月相傳以為城東有
池中沉古鏡夜常吐光久淹沒無存矣今另敘定以兩
湖浮玉二景補之茲實不朽勝
概質之同人當共以為然耳

麟阜江山

盧紘

浩淼江光一望收分明圖向坐中
留屏開翠障迴青靄波
湧晴沙引白洲賈舶千幟鷗影現
村炊幾處縷烟浮蹟傳

白甫無題句應怪才人也漫遊

鳳麓晨鐘

盧紘

江下蘄陽遠鳳隈蘆分四葉古林開耳根久信塵俱寂水面猶疑響似雷大覺原從空際徹羣迷早向夢中回蘧蘧晨起徬徨立方識鐘聲送悟來

太清夜月

盧紘

城東曾訪太清池長老依稀述舊遺謾道塵沙湮寶鏡已無陂沼漾淪漪天邊有月孤懸照石上畱苔畧見詩方信山川多幻變空傳好景繫人思

蘄州志

卷之十八 詩

三

龍磯夕照

盧紘

礚礚磊石踞江門浪鼓蛟宮晝夜吞高閣窓中搖素練遠帆天際帶餘昏晴沙芳杜香浮岸漁浦微燈影隔村勝地隨時堪寄眺尤宜落照看濤翻

城北荷池

盧紘

長夏閒登城北樓輕風時送遠香悠新藻幾曲沿芳岸高柳千門繫小舟採罷歌傳歸正晚坐深潭競去仍畱頻來靜對浦清晝豈羨羲皇世上遊

金沙夜泛

盧紘

一派湖光疊碎金
水烟相淡夜俱深
小舫獨泛中流靜
圓鏡虛涵片影沉
鷗過不驚隨浪穩
鴈來早度怯霜侵
楓林兩岸畱燈火
村落朝炊且待尋

鴻洲烟雨

盧 紘

西風翻浪漲平沙
四覆陰雲濕荻花
隱隱渡頭依小艇
濛濛村外有人家
疑聞驚起呼相亂
遙帶衝飛影若斜
萬狀江光收未盡
不妨暫作一籠遮

龜鶴梅花

盧 紘

雪漫龜鶴似孤山
萬片冬來石上斑
風送暗香隨隴出
月

蕪州志

卷之六

詩

三

酒清影待人還曠
頭索句寒生韻
夢裏通魂玉破顏
夙昔王孫耽勝事
探尋正自許乘閒

浮玉晴沙

盧 紘

流引晴江一練澄
瑩沙波湧石峻增
孤亭柱貌搖空出
傑閣窻虛入漢甍
春到連汀吹杜若
夜深依岸起魚燈
擬將七曲陪三島
呼吸瑤京且任昇

雨湖漁舫

盧 紘

幾曲烟波入畫中
兼收風月夜融融
千林高柳圍村綠
十里新菰覆水紅
網罟晚天歸棹集
菱蒲深處有歌通
由來

簞笠相傳業沽酒烹魚樂事同

禹王閣

盧紘

倚城高檻俯江流萬里安瀾遶石頭榜唱橈謳深歲月渚
青沙白自千秋海門澎湃輪遙島大別朝宗就列侯此地
尚留崇伯祀元圭知己報荊州

羅乙真人飛仙閣古蹟

盧紘

蹟遺雙履印苔蒼仰眺雲中鶴路長丹灶欲尋空見石芝
田何處但存崗島遊夜逐潮音泛綵仗高隨禹步翔與大士禹相近
王二閣 霞外仙踪應不寂江天霽處正相望

蕪州志

卷之十八 詩

六

烟光樓懷吳明卿先生舊遊處

盧紘

寥落梁家江上樓甌甄騷客舊登遊烟波晚眺曾留句沙
渚秋平幾泛舟漫對翠屏千嶂合徒存片玉一亭浮同來
覽勝今何去常使經過弔暮流

送李嵩岑繕部入都

陳之京 觀北州人

花妥鶯嬌萬錦攢垂楊千尺拂征鞍名香不事芬喉舌粉
署初栖試羽翰壯麗蕭曹崇漢殿夔龍禮樂映冬官還淳
為搨工僮指驥首升恒正石磐

答新泰盧澹岩社翁

陳之京

避地移家遠索居長竿湖畔釣雙魚故人分俸還沽酒野
老援毫正著書膏雨岱宗雲合後文瀾滄海日生初琴堂
清暇如相憶爲報秋風短髮疎

雨走徃鳳山寺

陳之京

細雨春寒濕暖烟棠梨開遍杏花天遙遙故址南崗外落
落新楊北牖前伴侶招提閒有約窮愁滔莽浩無邊伏生
已老逢鼯錯蚪蚪殘書久不傳

土寇疊警農桑失業感念亂離賦此永嘆

張士獻

蕪州志

卷之十八

詩

三

烽火連宵暗野屯蕭涼彌望遍荆榛蟲鳴促織家停杼鳥
喚催耕野絕响東海豈真稱義士中山強半是狂人武陵
若許漁舟泛深卧桃花笑水濱

浮玉磯

劉醇驥

千里
梅川

怡亭舊落水中央奔突東磯更混茫直劈江心帆路隱遠
垂虹背釣臺荒天圍鶴浪千峯隔風住神燈六月涼楚客
白蘋蕭瑟裏何須聽雪上瞿塘

其二

劉醇驥

黯淡雲根太古秋蛟宮鼉窟擁冥搜磴無懸草蒼猶立人

忽成雲薄欲流烟遠過城通曉磬日孤眠鷺隱滄洲携來
鐵笛吹寒色風雨梅花暮未愁

其三

劉醇驥

來往十年思不違偶分山展俯清暉仙人幾卧苔衣上柔
櫓嘗穿雪峽飛木葉渡江逢石斷雲光墮鳥照沙稀夜深
浦白鐘聲潤香海茫茫何所歸

雨湖秋

僧真常 道恒

秋在晴湖不在城羣峯互動見秋橫寺從落葉林邊出水
去枯江石上鳴偃僂影寒行旅亂淒涼心向暮中生雲烟
身是孤僧事且自今年不遠程

新州志

卷之六

詩

四十一

龍磯寺

談允謙

鐘鼓波深島嶼晴呼人隔水挈舟迎蛟龍定有窟在此風
雨未來潮自鳴磯險乘流船疾渡江斜衝郭石孤撐疑猶
終世不曾寐每聽夜靜驚濤聲

談長益揚訂遊雨湖次答

張仁熙

州城南郭望霏微郭外澄湖帶夕暉棹入千峯花徑好溪
深五月釣魚肥佳人白羽停官扇遊子春衫漫薜衣近得
處友清興滿題詩多傍彩雲飛

雨湖春漲

李生槃

盈盈春水欲沉天村落人家鏡裏懸
青草岸平三月雨綠楊隄鎖一湖煙
覓橋忽沒灘頭路問渡新尋谷口船
獨怪閒情屬鷗鷺終朝游泳不知還

通志館作

李生槃

江漢分讐歲月深星霜幾度鬢毛侵
數行墨訂千秋蹟萬卷書成一寸心
太史自堪商筆削楚材尚復憶升沉
由來觀左風流在慚附青雲意不禁

送范仲兼還維揚

黃載嶠

蘄州志

卷之十八

詩

星

蘆白江空正穩流開帆送爾下揚州
霜飛古渡寒生枕夢散殘更月滿舟
過眼雲山添絕調關情兒女破新愁
閒中試問隋隄柳風雨蕭條幾度秋

九日登鳳凰山

張選桂

丹一

十里江光十里山水鷗飄泊自飛還
久嘗世味知喧苦暫涉林風許寂閒
遠壑似隨人俱靜古松覺與石同頑
眼空方會登臨勝不在茱萸強解顏

遊紫雲山訪天隱禪師

范正

縉儒

幾年夢繞紫雲巔得傍支公意洒然
笑起雙峰抽玉筍飛

來疊嶂擁金蓮，心空色界疑無地。目極虛明別有天，此日塵襟都滌盡，不須叅學老僧禪。

半畝園納涼

蔣尚德 州牧

當暑偏勞長吏行，羨君執麈笑相迎。藕花香盡池塘碧，篔簹竹生風几簟清。獨處不聞家計聒，耽吟應用錦囊盛。倉皇愧我多煩熱，只有冰心對月明。

歸蘄後寄邵陽諸同學

陳常 藝極州人

乞養歸來已十年，故人望斷楚南天。雁飛遠浦魂銷矣，月滿平湖思渺然。漫許經明能訓士，亦藏吾拙得歸田。一燈

蘄州志

卷之十八 詩

四

閒課兒孫讀，荒殖何堪復漢川。

五言排律 九首

燕臺柬劉克猷

顧咸泰

魏名隆海內，彩羽煥天中。雷殿初傳遠，龍標首建雄。文星高射斗，正氣獨凌嵩。內相聲聞重，宏儒德業崇。邾城蓉鏡曉，康里紙箋紅。久列紗籠秘，先題玉宇隆。乃知瀛苑異，方識木天隆。漏永修篁禁，懷清廡島風。青藜燃太乙，皓鶴點仙宮。文發蒼鏤異，書成黃聿同。牙籤咸甲乙，濤画各西東。一下數千紀，縱橫今古衷。一時宏駿望，百代蔚宗工。昔其

名山楊多君表素功

壬寅夏奉寄盧澹岩大叅

顧景星

渤海當天府東南直斗樞詔詢筦權使官用節旄除筭筴
源經術慈祥出轉輸牢盆無絀罔飛輓屬通渠民力錐刀
泐官箴簿牒初歲增須令甲量減亦息書夙駕曾畱犢風
簾舊掛魚公為令尹太守皆有廉聲詩家最蕭散賦筆且馳驅吟歎耽
章句歌呼與吏胥曹參真相國匡鼎自名儒海氣登樓卜
直田入望紆五湖饒苻茹六月滿芙蓉蠶蠶舫多年夢橫塘
舊日漁故鄉前草莽此地已林廬矯首江楓隔關心隴木

蘄州志

卷之六

詩

五

殊片雲飛待急雙鯉寄容徐景物吳儂異栽培國勢需看
君奏最日簫鼓涓橋趨

送李嵩岑巡鬱林

顧景星

萬里蒼梧路繩橋百粵懸水通七澤勝山與九疑聯擴境
新編戶論兵近備邊檄書紛桂聖旌旆繞灘川風俗圖經
異城池壤勢偏赤巖晴自瘴蠻樹綠多烟野果全如面蚌
蛇美似鬃獻歌蘆管鬧叱馭蹠郎先孔雀呼都護靈麋識
使駟長齋鈴閣靜散帙錦題鮮君長齋奉道家多藏書蕙苴休來謗
枕榔可駐年火山明劔氣水井著廉泉炎景憐分袂危途

慎著韜艱難吾道固心力爾才賢白曰高歌送青春取醉
眠風雲看勁翮險阻信雄褰多難仁人蒸盤根利器全策
勲寧用武訪道况知元元結碑猶勒丁郎祀不遷丁郎山在梧州
岑溪縣孝子丁密君行忠孝地駐節儻流連
故有祀訛傳丁蘭

贈王大紳

顧景星

諱臣縉一字縉雲蘄州人崇禎進士令錢塘忤大吏罷官甲申欲起義擊賊未果順治初走海外魯王授分巡副使兵敗赦還爲僧居江南常熟縣

死別驚重合寒灰月再溫淒涼窮海淚痛哭舊朝恩徐庶
初驚放陳宮竟不寃物情麓悼惜天意獨周存喜出黃泉

蘄州志

卷之十八

詩

樂

隧來過黑浪翻遙知嘉慶畢苦話別離屯隱忍誰能識傷
心祇自捫他時相見後重疊拄啼痕

夏日傷前宗正朱仲良先生湖上舊居

二十四韻

李炳然

廣讌開樊邸扁舟涉雨湖避墮營小築蕩隘滌洪鑪中壘
經傳久南陂冠蓋殊應徐才總萃山桂色長腴生長朱門
盛傾懷白屋孤河間存禮樂東海表神區銀榜懸珠藻蘭
言吐碧梧陳思三父子王李七倡于先生與弇州滄溟七子唱酬寄贈有詩篇
最樂貪爲善懷愁渺獨飲蒼天憐水旱赤子弄萑蒲鵠鵠

冲霄去鴛鴦碎地呼渡河舟掬指奪絹血淋膜龍鼎髯存
沒王孫飯有無甘泉驚火徹爰止畢烏逋柏葉饑猶餅生

逃賊難饑餐 余皇棄在蘆草堂留響像松菊日秦蕪泥擁
柏葉而卒

蛇騰窟臺傾鶯語雛斷橋通厲揭浸板畫曉踰珠賣茅誰
補坏融板倩扶琴亡人載筆舟繫壑藏隅麥秀斲移合甕
門涕逝徂雉壇餘竹柏沙嘴滿鶉鴝感舊聽隣笛傷心擊
唾壺縹緗無隻字流恨向山隅

過舊園荒處感賦二十韻 癸未

盧紘

故宅臨濠上園開畝一區南山當戶立修竹遶籬扶簇簇

蕪州志

卷之六

詩

七

花沿徑田田葉滿湖殘霜留小菊滴雨聽疎梧地僻塵難
到人幽興不孤著書三世業訓禮一庭心許朋來過談
餘酒漫呼正憑高世隱可盡百年娛剝運方罹劫危宗並
受屠亭軒空烈燼垣墉翳深蕪尋徑迷前址臨風起舊吁
有萊仍窟鼠無樹可棲烏境入荒涼盡情愴俯仰殊悽然
傷父子宛若失生徒愴息聲疑在追隨願已辜祇憐埋瓦
礫何自禁樵蘇寥落全非主伶仃獨悵癯回思如可夢遷
化亦須臾顧彼如雲第疇無易盡途嗟余猶見晚漫引淚
如珠

過圓峯山避兵寇處追憶有感

癸未

盧紘

圓峯幽淨地二梵舊禪林
礪接重巒峻巖藏古木深
郊原初窺跡烽火尚驚心
方厭塵勞劇希從世外尋
如何逢擾攘猶苦避凌侵
病婦趨徒步癡兒挈敝衾
壑栖虎不畏風動骨疑森
晝永愁難夜嬰啼禁勿暗
舉家同罪繫累月坐沉陰
伺晚潛歸爨昏促向岑
艱虞幾歷萬喘息始存
今事後重來過歛歔涕濕襟

喜黃公還里

徐惺子星

已作經年別誰期今再遊到門湖水白
放眼野雲秋孤鶴

蕪州志

卷之十八 詩

吳

遙相喚冥鴻肯不留荷香生遠岸花影上汀洲
醉訪陶彭澤書尋李鄴侯寒烟仍泛艇夜月又登樓
方遂懷山樂安能對影愁家園叢桂老風雨話無休

次答黃公先生

朱載震梅人

白衣還漢水最愛竹林遊放艇當深夏看山恰早秋
顛仍張長史傲寄阮陳留江樹繁高嶺蒼葭徧遠洲
肯將司馬賦不換醉鄉侯泉石宜千卷烟霞護一樓
狂吟忘籍在長歲破離愁商洛真難老還須訪伯休

五言絕句 十七首

麟苑江山

顧景星

白晝江山靜空城似馬屯蕭蕭梁苑竹今日幾竿存

鳳寺晨鐘

顧景星

鼓角住清曉楓棧出烟樹山僧八百聲隨風過江去

龍磯夕照

顧景星

大江石甚奇嶮水涸乃接北岸宋大觀四年立廟祀順濟龍王故名北岸烈士廟宋王彥明死節處
義士死長江人來弔夕陽磯聲流不盡遺恨與江長

雨湖漁艇

顧景星

且喜城郭近又無車馬喧打魚呼酒伴風雨過前村

蘄州志

卷之十八

詩

完

金沙月泛

一名赤東湖

顧景星

月色亦何皎偏多雲水鄉當時兵火地到此即清涼

石簾積雪

顧景星

治東十里大江中水涸乃見亂流一里水淺為患郡人擬立鐵柱未果

積雪覆蒼磧橫江走白龍幾時沉鐵鎖水底作奇峰

溫泉春浴

顧景星

脫帽林下露振衣山澗風不知春氣好常在此山中

城南柳嶼

在西湖亦名鏡口

顧景星

湖光本自寬畧約已多設試問築堤人胸中何太窄

浮玉新磯

顧景星

大江中為舟楫患萬歷十七年州守徐希明甃石增高使知所避建亭曰浮玉

埤坵連雲出濤聲繞樹長無情江上石獨立閱興亡

避地雜感 錄三首

李炳然

主人嫌久客酌酒送行頻賴走風波裏山川未厭人
森然槐柳列飛樓齊雲端直下望雷雨城中增暮寒
流水且接軫飛雀晚張羅道周逢鹵簿父子邈山河

蕪簞

金德嘉

高枕得桃笙炎天遊化城中宵醒蝶夢皎皎見參橫

蕪州志

卷之六

詩

辛

四時詠

兩湖吟社作

春

秦京

草色碧于天新林咽杜鵑紫騮花裡去情滿五陵烟

夏

李生槃

日向槐陰下從朝坐至昏百番啼鳥喚不敢啓柴門

秋 集陶

黃載華

天高風景徹百卉俱已腓秋菊有佳色一觴聊可揮

冬

郭從

一夜北風削空山大雪鳴誰將老鐵骨卧與短衾撐

山居採笋

李炳然

山居香飴帶河餐萬玉蕭條春雨寒採得生芻剛一束還防饕餐損瑯玕

其二

李炳然

地宜種竹不加功笋價長年與土同別屋炊嘗僧共食癯清滋味此君風

浮玉亭

劉養微

孤亭穩着石如拳兩岸波光秋可憐回首庾公樓上月茫茫占斷玉壺天

蘄州志

卷之六

詩

五

蘄僧餽笋

徐惺

子星江寧

錦棚初脫玉嬰兒雉尾龍孫總未遲畱取他年鸞鳳食休教江上笛空吹

迎山 俗名銀山

金德嘉

牛肝馬口水潺湲稼圃人家竹樹灣最喜時清無鑛使大書此地是銀山

蘄州城外青樓故址

金德嘉

前朝官妓此為家十里湘簾一水涯江月有情來照夜官人斜畔豎棠花

初夏湧峰樓觀漲

陳道兼

州人

雨足陂塘水亂流無分陸海與滄洲桑田豈是蛟龍窟任爾狂瀾到處浮

渴口觀漲

陳道兼

竭來野水輒平河此日緣溪失釣坡欲駕扁舟尋舊侶重重對酒聽漁歌

浮玉亭

予外祖父吳公亮嗣題時官兵科給事中

李生槃

何年鞭石過東海萬里飛來江際浮不道題亭吳給事錯疑玉影滙中流

蕪州志

卷之十八

詩

五

文明橋

姚紹祁

心傳州人

風靜橋平浪不驚一湖清水漾文明夕陽斜掛橋頭柳兩岸漁竿盡入城

鉢蓮庵

姚紹祁

望去南湖一鉢圓菱荷花放碧蓮大香風過去聞鐘响恰值僧堂午課前

訪卧雲道人不遇

張樞

閒行動是水雲家水競雲遲意自斜前日共君松樹底道書一卷把秋霞

送派堂上人之廣陵

黃載嶠

破羣雁影入雲高老逐風波長二毛愁結兩鄉千里夢鴻洲烟雨廣陵濤

麟山晚眺

張錫爵

江南水曲萬山橫一片斜陽照眼明最好尋春楊柳岸雙
棋斗酒聽流鶯

元妙觀夜坐

丹九道人

學道年來強自持蒲團兀坐夜深時爐香欲燼問童子月
上花梢第幾枝

蘄州志

卷之十八

詩

三

遊長流寺

王思孟

近聖州人

野雲深護法王關溪水長流雪一灣笑問老僧尋勝蹟幾
株枯樹老荒山

蓮花池吊二烈女

高

鴻

賓南州人

女郎甘與水為家野碧沉沉玉未瑕湖裏一墩今宛在香
魂只合傍蓮花

讀書鎮國寺

張學塏

莫高州人

光分佛火手殘篇戶白鷺看達曉天茶灶未炊僧起早一
聲清磬破林煙

采蘭

郭從去山

日日云采蘭日日未得采今朝天氣清行矣不可待入谷
得聞香尋香識所在謾謂非鹽梅不足調鼎彙賦性本幽
芳此其所以乃

示兒高暉

郭從

兒高挾册山中來阿翁見之懷頓開總然老朽疾復作形
容骯髒心悠哉人生窮達固有命大道不明方是病能將
道妙貫胸中萬事紛投胥自鏡翁今拓落亦郎當只緣不
教硯田荒懊悔千年志不篤遂令一恨彌穹蒼猶喜此間

蘄州志

卷之十八

詩

雷

真樂國麥隴無際黃雲色稻陂正滿秧針齊沃野千頃雙
眼碧到來秋獲爭登場長碓高舂玉粒光家家豐醢若山
球不欠官錢不稱貸童叟熙熙樂也無淳風直奪羲皇代
吁嗟乎人生歲月苦無多况復奔馳隙裏過但得有兒耕
且讀阿翁何事長悲歌

